

dodrmit dreht ar siech schu wieder vu dr Sprachklingl wag. Iech hab mei Vürsaaltür aufgerisn un tat ne hinnerharschreie, des iech glei mitfahrn wöllt. Weil ar miech net esu richtig vorstandn hat, bi iech noch eweng meh aus meiner Tür naus un hatt nár noch mei Farsch in dr Tür. Iech tat´n noch emol rufn – un Zack! Dr Fuß un iech warn draußn un de Tür mit samt iehrn neie Schließmuskl zu. Un iech draußn – mit Filzpantoffln – uhne Schlissl – de Fraa of Arbit! Su schnell miech meine Filzlatschn trogn kunntn, bi iech nausgerannt zen Eckbert-Auto. Dar hatt sein Karrn aa gerod aagelessn un wollt schu lusfahrn. Wu iech ne gesaat hob, des mei Tür zu is, tat ar siech ball ausschittn for Lachn. Iech saat, itze nützts allis nicht, du mußt miech neine Blaue Wunner fahrn, iech brauch doch in Schlissl vu meiner Fraa! De Pantoffln hob iech in Haus stiehgelessn, des war mir doch ze bled. Su bi iech in de Sockn mitgefahrn. Bein Hotel saaat iech zen Eckbert, des iech net esu nei an de Rezeptzjon gieh kaa un hab ihn nei geschickt. Do saat ar dortn unner ganz hämischjn Gelächtr: „Hult nár emol in Schmidt sei Fraa runner mit samt iehrn Wohnungsschlissl, ihr Maa kaa drham nimmer nei!“ Die ham siech aa alle ieber miech zorruppt un mei Fraa hat nár gegrinst un mitn Kopp geschittlt. Mir sei dann gelei nei ne Gartn gefahrn, do war mei Schweriner Bruder ze Besuch. Do hob iech miech auf de Sockn gemacht un den zen Entladn gehult. Un iech hab mir erscht emol meine Gartnarbitsschuh ausn Schuppn gehult, dodrmit iech wieder ewos Fests an meine Fieß hatt. Dr Eckbert hat miech dann noch wieder mit eham genumme. Tja, un jeds mol wenn ar miech trifft, freecht ar miech, öb iech meine Filzpantoffln ahob un aa de Schlissln drbei hätt. Wie war des gelei: War in Schodn hat...

Bis zr nächstn Geschicht

Eier Schmidt



FAHRDIENST für Oktober

*Wer am 08.10.2015 **ins** Vereinshaus gefahren und auch **wieder nach Hause** gefahren werden will, der möchte bitte anrufen:*

Werner Pechstein Tel. 4071

***Wenn bis 17:00 Uhr kein Anruf erfolgt, gibt´s keinen Fahrdienst!
Sollte der Fahrdiensthabende nicht gleich erreichbar bar sein,
dann bitte öfter anrufen – ruhig auch schon ein oder zwei Tage vorher !!!***



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141

Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB

Unner Blatt`l




Nummer
127

Mitteilungsblatt des
Erzgebirgischen Heimatvereines Eibenstock


Oktober
2015

e V



E Stickl vun neie Lift noch uhne Stahlsaaler

Foto: Uta Schmidt



Oktober

*ist ein Malersmann.
Er streicht mit einem Male
Gar bunt die ganze Landschaft an
Vom Gipfel bis zum Tale.*

*Er taucht sie nochmals kräftig
In goldnen Farbenduft,
Bevor der Tod gar mächtig
Sie legt in Winters Gruft.*

*Die Früchte sind geborgen,
Viel Vorrat schafft man ein.
Für'n Ofen heißt es sorgen,
Streng wird der Winter sein.*

Quelle: Jahreskalender: Hans Weiß-Aue Grafiker und Kunstmaler

Wir gratulieren unseren Heimatfreunden

Rainer Tittel	am 02.10.	zum 67. Geburtstag
Antina Richter	am 10.10.	zum 52. Geburtstag
Maria Kittelmann	am 13.10.	zum 81. Geburtstag
Horst Diersch	am 15.10.	zum 86. Geburtstag
Liane Georgi	am 16.10.	zum 86. Geburtstag
Eberhard Oswald	am 20.10.	zum 66. Geburtstag
Adelheid Müller	am 29.10.	zum 71. Geburtstag
Hubert Brückner	am 31.10.	zum 50. Geburtstag

*Glück ist Liebe, nichts anderes
wer lieben kann, ist glücklich.*

- Hermann Hesse -

Nächster Hutznobnd:



im Vereinshaus
am **08.10.2015, 18.00 Uhr**

Vortrag
über Bodendenkmale
mit Hubert Brückner
nach Vorlagen
von Lothar Barth

... schu itze de nächstn Hutznobnde
vürmerkn:

Dr Bastlobnd mit Annita
im Vereinshaus am
Donnerstag,
12. November 2015 18.00 Uhr

Was werd
nu
diesmol
gebastlt?



... un de Weihnachtsfeier
in Jugendgästehaus
„Am Adlerfelsen“
(ehemals „Deutsches Haus“)
am Freitag, 11.12.2015,
18.00 Uhr



Fotos: G. Schmidt

genaus suviel Leit imhar. Do ham mir des aafach aufn Hamwag vorschubn. När unner Matthias muß ubedingt unnern Baam noch e Zigrettl raagn. Un iech hat dann sugar gelei emol ne gute Idee: „Mir fahrn nooch Schneeberg nei, gelei naabn ne Markt, do is de feine Konitorei vun Willert-Bäck. Den sei Maadl kenn iech gut, die hat jahrelang de Werbeschilder un Tischdekoratzjone fors Kulturhaus in Aue gemacht. Un dare ihr Maadl wiederum hat des Konditorhandwark dlernt un is itze de Schefin vun den Kaffee! Do warn eich de Aagn iebergieh, bei dare Auswahl an Kuchn, Tortn un Pralinezeich!“ Gesaat – getaa – Platz war haußn an dr Ritterstroß, de Sonn tat immer noch kräftich scheine un wärme. Do hat des gute Zeich samt in Kaputschino noch emol esu gut geschmeckt! Mir Achte warn uns jednfalls aanich – aa wenn mir net grod viel warn vu unnern Verein – Spaß hattn mir trotzdam genuch un warns zefriedn mit dare schenn Ausfahrt!

In diesn Sinn: Glück Auf
Eier Schmidti samt de ieblichgebliebne Sonntichsfahrer

E Schwammeeintopp

Wos mr brauchn tut:

1 kg frische gemischte Schwamme, 1 Zwiebl, 1 Stang Lauch, 2 Möhle klaageschnipplt, ev. eweng Sellerie
150 g Schinkenspeck, 1/2 Liter Gemiesebrieh, 500 g Ardäppln, Thymian, Salz, Pfaffer, e Lorbeerblatt, 4 Wacholderbeeren, eweng Zucker, Weißweinessig un Butterschmalz

Wie mrs machen tut:

Frische Schwamme ordlich putzn un klaa schneidn. De Zwiebel, in Lauch und das iebrige Gemies aa in klaane Würfle schneidn. Butterschmalz drhitzn, Spackwierfln in is Gemies drzugabn un allis ca. 5 Minutle aschwitzn lessn. Dodrnoch de Schwamme drzugabn un allis gut vormenge. De Schwamme mitsamt den Sud drzugabn. Thymian, Lorbeer un Wacholderbeer aa mit nei und mit dar Brieh auffilln. Alles gut verrühren und kräftig mit Salz und Pfeffer



Foto: Peter Müller

Dr Brandschutz un unner Tür

Vielleicht habt ihrs schu gehert oder bemerkt – in unnern Neibauviertl – manche sogn aa gemaanerweis „Rollatorviertl“ drzu – hat unner Wohnungsbaugesellschaft e grußis Bauvorhobn aagestrengt: Allis forn Brandschutz! Des wär nu mol in de Gesetzter esu vürgeschriebn un do muss des halt sei. E mannichs kaa mr ja eweng iebertrieb findn, aber is muss halt allis viel kostn un unner Handwarker wolln ja aa labn un de nutwandign Sachn wie Blitzableiter, Entrauchungsfenster eizebaue un ubndrei aa noch is ganze Elektrische imzevorlegn wagn ne Plastezeich, des derf nimmer sei. Unner annern kame aa Blachtürn ofn Budn un aa in Kaller na. Un


dodrmit die net offn stieh bleibn, wurn do kurzerhand aa noch Türschließer nagebaut. Wenn de do wos in beede Händ hast, kimmste do net esu aafach durch, weil - die Türn genne ganz schie schwar auf un wolln aa gelei wieder zu gieh! Nu ham mir gedacht, des wars nu endlich – aber weit gefahlt: Do klinglt doch bei mir unner Brückner-Hubert un saat, ar müsst itze ieberol an jede Vorsaaltür aa su in Türschließer nabaue. Des tät aa in Gesetz vun Brandschutz

stieh. De Tür müsst - wens doch emol brenne un raachern tät in Haus – suzesogn automatisch zu gieh – ganz zr Sicherhaat vu uns Mietern. „Nu wens halt sei muss – mach när dei Arbit“ saat iech zen Hubert. Dar hat die Sach a ganz gewissnhaft geta un des Ding gieht wirklich ganz vu allaane zu. Su weit – su gut. Itze kumm iech aber zu nern Problem, des dodrmit zamhänge tut. Bei dr ganzn Bauerei hat aa dr Eckbert – des is dr Gung vu unnerer Hagert-Hannelore – mit seine Manner in ganz schenn Haufn Arbit abkricht. Die ham erscht emol vieln ältern Leitn geholfn, in dem se dene ihrn Budn von altn Zeich ausgereimt un entsorcht ham. Dodrnoch mußn se unner altm Budnkammern wagreißen, weil doch do ubn ne Fußbudndämmung neikumme muß. Des Stanglezeich ham se Stickweis zen Hausfanster runner gehaa. Des wos kaputt war, kam irgndwuhie als Feierholz. Is warn aber aa noch ganze Falder in Ganzn do, die ham ja su wie Gartnzeine ausgesaah. Un do wars klar: Ganz findiche Karl n kame do auf die Idee, des in ihre Gärt n gebrachn. Iech dacht, wos die kenne, kaa iech aa! Also hob iech ne Eckbert gefreecht, öb dar mir aa e paarle vu die Falder nei mein Gartn bringe tät. Ar hot

aa gelei zugesocht in de nächstn Togn. Do ging ne Woch vorbei un iech hatt schu gar net meh drmit gerachnt – klinglts frieh im Achte bei mir. An dr Haustür mald siech dr Eckbert un saat, is wär su weit, ar tät itze die Dinger nein Gartn fahrn. Un



Gartnschau Oelsnitz oder wenn Engln raasn



Strahlndr Sonneschei iebem Arzgebirg – un mir sei unnerwags zur Gartnschau! Tja, wenn Engeln raasn – desserwagn ham mir aa när e paar weniche vu unnern Verein mietgenomme. Naa, annersch rüm: Erscht ham mir des in unnern Jahrplan vürgesah, un dann war de Hälf schu allane dortn. Iebrich geblibn sei zr Abfahrt in Sunntich frieh üm Zahne ganze Zahne - un nooch dr Aakunft aufn Wag vun Parkplatz zr Landsschau ham mr nochemol

zwee vorlorn. Des gibt's net, soocht ihr? Doch des gibt's allis. Mir warn gelei an erschtm Parkplatz eigewiesn wurn un mußtn e Stickl bis zr Gartnschau dr Stroß elang laafn. Un wu mr dann dortn warn, is natierlich an dr Kass e lange Schlang gestandn, schließlich warsch ja aa sunntich frieh un Superspaziergiehwatter! E Geheimtipp kam do vun nr Fraa, die tat uns wetter vür schickn zen annern Kassnhaisel, do standn blus e Paarle un mr kam schneller dra. Wie iech zerick kam un die annern



do vür huln wollt ---zack! Warn schu zwee vu unnern Trampele wag! De Annita saat när, des is ihne ze ahstrenghnd un do sei se lieber wieder zerick ze ihrn Automobil un wu annersch hie gefahrn! Nu ja, is is halt su. Blus gut, des iech de Kartn net gelei for alle gekaafft hatt! Wu mor uns vor dan Schrack dorhult hattn, sei mir dann endlich nei in de Gartnschau. Meine Giete, su in Haufn Blume of emol ze sah, des is schu ne Wucht! Un ieberol warn annere ze entdeckn: Su ne Farbpracht weit un brat!



Nochdam mir uns vun erschtm Blütnschock dorhult hattn, sei mir zeerscht bei den Gradierwerk vorbei kumme, des is des Haisl, wu salzisches Wasser - esu wie Meerwasser - dr ganzn Wand runner left. Des tat do ganz wunnerbar frisch duftn. Sehr gesund söll des ja sei. Weil aber vor lauter Menschn ka Platz zen setzn war, sei mr e Stickl wetter



ham halt dortn de erschte Rast gemacht. Dann sei mr aber schnurstracks zr Pflanznhall gange, do warn gar viel Kräuterzeich ze saah un wunnerschiene Blumegestecke oder wie mr auf neihuchdeitsch ganz geschwolln sogt Blume-Deko-Arrangschemangs oder aa Botanische Kreativschjone. Wie aa immer: Schie aazeguckn isis halt! Die ham aafach allis bepflanzt, was ihne unner ihre Finger kam: Staahaufn, Baamwurzln, Zinkwaschwanne, alte Schränk un sugar e Küchnbüffee aus de 50er Gahrn! Wu mir uns noocherts vu all dare Pracht satt gesaah hattn, is langsam dr Hunger kumme, weil vun saah allane werd ja dr Bauch net voll. Also gings in de annere Richtung zen grußn Vorsorschungszelt. Do konnt mr draußn oder drinne sitzn, des haaßt, wenn mr vu den vieln Tischn enn drgattern kaa! Rim un mim geguckt: Nischt war frei! När an dr Seit in Zelt war e Achter -Tisch gerod wie for uns geschaffn – aber mit Schild: RESERVIERT!

„Itze nimmer!“ saat unner Annita un schu loch des Schild vorkehr rim aufn Tisch. „Setz diech nieder Roland - un ihr annern aa!“ tat se noch befaehn. Is kam aa niemand annersch un su war dr Platz erscht emol gesichert. Dann ham mir uns imgesah, wie mr ze wos ze Trinken un aa wos zen Assen harkricht. Nu gute Luft! Do stand eine Schlang, ka iech eich sogn! Wie siechs rausstelln tat, warsch aber noch weit schlimmer: Bei jeden vorschiedne Assn un dr Trinkerei war ne extra Schlang! Des war ugefaahr esu wie frieher bein Tauscher, bein Siegel-Hannchn, wens Banane oder su wos außer dr Reih gob. Is nitzt aber nicht: Wer Hunger un Durscht hot, dar nimmt aa des in Kauf. Mir ham uns eweng imvortaalt un esu ging die Sach ganz gut. De letzte Hürd war de Kass, do stand mr noch emol a. Nu geschmeckt hats, wenn´s aa bissl teier war – aber de Taller warn voll un satt is mr wurn, un des is de Hauptsach! Nooch den Assn tat des Spaziergangl zu de Teiche ganz gut. Ganz ringsrim sei mir geloffn un dr Roland mit seiner Krick hat tapfer immer mitgehalt, des muss den erscht emol aaner noochmachn in den betogtn Alter! Eingtlich wollten mir noch kurz vorn Seitenausgang noch ne Tass Kaffee namme – aber do standn